



Lipoti Faaletausaga ale Aoga O Fesili e Fesili ai Pea Lava

Ole a le Lipoti Faaletausaga ale Aoga?

Ole Lipoti Faaletausaga ale Aoga o faamaumauga ia o iloiloga ma suesuega e fai lava ele aoga ia. E faia i tausaga uma lava ma ose vaega ole li’o faifaipea o fuafuaga ma iloiloga ale aoga.

Ole Lipoti Faaletausaga ale Aoga e tuuina atu ai faamatalaga ile komiuniti ale aoga ma le tulaga ua ausia ele aoga i polokalame ale atunuu atoa faapea ma le setete. E tuuina atu ai foi ma le faamatalaga e uiga ile faauigaga e tatau ona iloiloia ai nei faamatalaga.

Pe tusa male 2250 ia aoga ma ofisa tutotonu o aoaoga e maua mai ai nei Lipoti Faaletausaga a Aoga e tusa ai ma aiaiga ua faavaeina ele NSW Department of Education and Training (DET), ma le Faasinomaga/Pulega ole Fuaina ma le Faamaoni o Aoga (Educational Measurement and School Accountability Directorate).

Ole a le uiga/aogā o Lipoti Faaletausaga a Aoga?

Ole Lipoti Faaletausaga ale Aoga ose vaega taua lava lea e iloa ai le lelei ma le faamaoni (accountability) ole aoga e manaomia e matua faapea le komiuniti, ma le NSW Department of Education and Training (DET) atoa ai ma le Ofisa o Fesootaiga ale Matagaluega o Aoga, Galuega ma Falefaigaluega ale Malo Tuufaataasi (Department of Education, Employment and Workplace Relations) (DEEWR).

O a ni manaoga pasia faaletulafono (mandatory) ole lipotiina mai o Lipoti Faaletausaga a Aoga?

O mea nei e manaomia faale tulafono e tatau i aoga ona kav/aofia ai ia latou lipoti lautele:

- faamatalaga i mea e o mai ai (background) o faiaoga ma tamaitiaoga
- faagaioiga/galuega a tamaitiaoga
- iloiloga/suesuega ale aoga lava ia
- matati’a (targets) ina ia toe faaleleia.

O ai e vaia le atinaeina ia lelei Lipoti Faaletausaga ale Aoga?

Ole Lipoti Faaletausaga ale Aoga e saunia lea ele komiti lava ale aoga e faia iloiloga ma suesuega. O i latou e i le komiti o sui mai ile komiuniti ma matua, o sui mai faiaoga ma sui ole komiti faafoe e i lalo ole taitaiga ale puleaoga.

Pe manaomia aoga uma lava ina ia tuuina mai ni a latou Lipoti Faaletausaga ale Aoga?

loe. E manaomia ia tuuina mai e aoga uma lava ale malo i NSW ia Lipoti Faaletausaga ale Aoga talu mai lava le tausaga e 1997.

O a faamatalaga ou te manatu e mafai ona ou faitau i ai mai i Lipoti Faaletausaga ale Aoga?

E aofia i Lipoti Faaletausaga ale Aoga ia faamatalaga e uiga i mea nei:

- taaofaiga o faamatalaga i faiaoga ma tamaitiaoga
- iuga o galuega fai a tamaiti i suega ale atunuu atoa ma le setete, i vaega (sectors) o aoga maualalo ma aoga tulagalua
- tapulaa ausia e tamaiti i tusiga ata ma faatinoga (arts) ma taaaloga
- faamatalaga e faatatau i polokalame uiga ese ma fuafuaga e ofoina atu e aoga
- iloiloga/suesuega a aoga lava ia i galuega ma le alualu i luma i matati’a faatulagaina; ma
- matati’a mo le faaleleia atili mo le tausaga o lumanai.

Ole a le Kulupu e Mananao ile Aoga (Like School Group) (LSG)?

Ole Like School Group ose kulupu o ni aoga e tutusa e faavae i mea moni tau le komiuniti e aofia ai mea nei:

- ole tusagalemu ole tulaga tautupe ole komiuniti (average socio-economic) (e fua la le tulaga lea o aoga i tausaga aoga taitasi ia atagia mai ni suiga ile faatusatusaina ole numera o e faaulu mai.)
- tu maotua mamao ole nuu e nonofo ai ile faafanua (geographical isolation).

O aoga maualalo uma lava, aoga tulagalua uma ma aoga tutotonu uma, ua uma ona tofofi i se tasi ole iva o Like School Groups, vagana ai o latou ose aoga filifilia faapitoa lava (selective school). Ua i ai nei le Like School Group ua faavaeina mo aoga filifilia faapitoa.

E mafai ona filifili aoga e lipoti a latou galuega fai i totonu ole Lipoti Faaletausaga ale aoga e faatatau i a latou galuega i a latou Like School Group (LSG).

Ole lipoti maia o galuega fai pe a faatusa atu ile Like School Group e le faamalosi faaetulafono. E mafai lava ona filifili le aoga ia pe lolomi faasalalau lenei faamatalaga e faailoa atu ai galuega fai a la latou aoga i iloiloga ale setete atoa e faatusatusa ma isi aoga mai le Like School Group e i ai faatasi ma latou.. E mafai ona sili atu lenei tulaga e faailoa atu ai nai lo le faatusatusaina o iuga ile tusagalemu mai setete.

O tutusa ia manaoga ole lipotiina mai a aoga laiti ma aoga tetele?

Mo aoga laiti poo kulupu laiti o tamaiti, e tatau lava ona tutusa pea le lipotiina o faamatalaga ia tusa ai ma tulafono faalilolilo ma tulafono tau le tagata lava ia. O faamaumauga o aofaiga tuufaatasi poo sui faakalafaina o tamaitiaoga e le tatau ona faaogaina mo kulupu e i lalo ifo ole 10 tamaiti ise kosi poo se mataupu e aoaoina. A oo ina laititi ifo nai le 10 tamaitiaoga, ole a lipotiina e aoga na o faamatalaga tusia e faailoatino ai ma tuuina atu ai manatu e mautinoa ai le malu puipua o mea faalilolilo tau tamaitiaoga uma lava.

O a ni filifiliga o manaoga tau ile lipotiina?

Ua tuuina atu i aoga ia le filifiliga ia aofia ai faamatalaga e faatatau ile amana'aina o tamaitiaoga ua maoa'e o latou tomai ile tusiata ma faagaioiga (arts), taaloga, sitiseni lelei ma isi lava vaega faatatau i la latou aoga.

O faamatalaga taaofa'i e faatatau i polokalame a isi aoga e ofoina mai, e mafai ona aofia e pei ole soifua lelei o tamaitiaoga, Information and Communication Technology (Faamatalaga ma Faafesootaiga Faainisia), aoga ole siosiomaga ma polokalame mo tamaitiaoga e i ai manaoga faapitoa.

Aiseā ou te manatu ai e tatau ona maua mai sa'u kopi ole Lipoti Faaletausaga ale Aoga mai le aoga a la'u tama?

Ole masani lava a aoga ona tuuina atu a latou Lipoti Faaletausaga ale Aoga ile taimi ole kuata muamua ma le kuata lua ile tausaga e soso'o mai. Ole manaoga faataatia ia tuuina atu Lipoti Faaletausaga a Aoga ile aso 30 o Luni i tausaga taitasi uma lava.

E faapefea ona maua sa'u kopi ole Lipoti Faaletausaga ale Aoga mo le aoga a la'u tama?

Ole a tuuina atu ele aoga le kopi tusia i aiga taitasi uma e i ai a latou fanau ile aoga. E toatele foi aoga ua tuu a latou Lipoti Faaletausaga ale Aoga i luga ole upega tafailagi/uepesaite ale aoga. Faamolemole faafesootai le aoga a lau tama poo le Educational Measurement and School Accountability Directorate ile 9707 6217 mo nisi faamatalaga pe faapefea ona maua mai sau kopi ole lipoti.

Auaunaga o Faamatalaupu ile Telefoni

Afai ete manaomia se faamatalaupu e fesoasoani ia oe ile faafesootaiga ole aoga a lau tama poo le Educational Measurement and School Accountability Directorate, faamolemole valaau le Auaunaga o Faamatalaupu ile Telefoni ole 131 450 ma fesili mo se faamatalaupu i lau gagana. Ole a valaau ele faamatalaupu le aoga poo le Directorate ma ole a nofo pea i luga ole laina e fesoasoani ia oe i la outou talanoaga. E leai se totoi o lenei auunaga mo oe.

